

豫章叢書

第十四冊

周官集傳卷五

元 毛應龍 撰

春官宗伯第三

惟王建國辨方正位體國經野設官分職以爲民極
乃立春官宗伯使率其屬而掌邦禮以佐王和邦國
四時之和爲春禮之用在和故其掌禮之官謂之
春官宗主也伯夷典禮曰秩宗言禮有秩序而是
官實爲之主故名曰宗伯長也於四時之官爲長
故名曰伯

禮官之屬大宗伯卿一人小宗伯中大夫二人肆師

下大夫四人上士八人中士十有六人旅下士三十有
二人府六人史十有二人胥十有二人徒百有二十
人

鬱人下士二人府一人史一人徒八人

鬯人下士二人府一人史一人徒八人

雞人下士一人史一人徒四人

司尊彝下士二人府四人史二人胥二人徒二十人

司几筵下士二人府二人史一人徒八人

天府上士一人中士二人府四人史二人胥二人徒
二十人

典瑞中士二人府二人史二人胥一人徒十人
典命中士二人府二人史二人胥一人徒十人
司服中士二人府二人史二人胥一人徒十人
典祀中士二人下士四人府二人史二人胥四人徒
四十人

守祧奄八人女祧每廟二人奚四人

世婦每宮卿二人下大夫四人中士八人女府二人
女史二人奚十有六人

鄭鐸曰先王於六宮之人既有小宰又有內宰以
掌其治又立世婦掌之世婦是其嚴者蓋內小宰

之治其政所以整齊之於內世婦掌其禮所以詔相之於外而肅其治此家齊而國始治也

內宗凡內女之有爵者

外宗凡外女之有爵者

冢人下大夫二人中士四人府二人史四人胥十有二人徒百有二十人

墓大夫下大夫二人中士八人府二人史四人胥二十人徒二百人

職喪上士二人中士四人下士八人府二人史四人胥四人徒四十人

大司樂中大夫二人樂師下大夫四人上士八人下士十有六人府四人史八人胥八人徒八十人

大胥中士四人小胥下士八人府二人史四人徒四
二十人

大師下大夫二人小師上士四人瞽矇上瞽四十人
中瞽百人中下瞽百有六十人眡瞭三百人府四人史
八人胥十有二人徒百有二十人

典同中士二人府一人史一人胥二人徒二十人
磬師中士四人下士八人府四人史二人胥四人徒
四十人

鍾師中士四人下士八人府二人史二人胥六人徒六十人

笙師中士二人下士四人府二人史二人胥一人徒十人

鑄師中士二人下士四人府二人史二人胥二人徒十人

徐氏音辨曰鑄小而鍾大鄭氏以爲似鍾而大誤矣

韞師下士二人府一人史一人舞者十有六人徒四十人

鄭鍔曰詩云韎韐有奭左傳云韎韐之跗注皆以
韎爲赤色之韋東夷之樂名曰韎意其舞者亦衣
赤色之韋也

旄人下士四人舞者衆寡無數府二人史二人胥二
人徒二十人

籥師中士四人府二人史二人胥二人徒二十人
籥章中士二人下士四人府一人史一人胥二人徒
二十人

鞀轝氏下士四人府一人史一人胥二人徒二十人
典庸器下士四人府四人史二人胥八人徒八十人

司千下士二人府二人史二人徒二十人

大卜下大夫二人卜師上士四人卜人中士八人下士十有六人府二人史二人胥四人徒四十人

鄭鍔曰自三皇以來已有卜筮上世聖人其智非不足以立事也猶取信于卜筮何耶以爲人之於事不能無心惟其有心故是非吉凶有時而差若聖人則何心之有雖性資生知亦不自以爲明而取決于此誠以託于無心爾故設大卜之官以掌龜筮之占焉若夫卜占之官以大卜爲之長使筮人屬焉說者謂龜者象也筮者數也數生於有象

之後故有筮人有占夢而其書則皆掌於此也

龜人中士二人府二人史二人工四人胥四人徒四十人

蕤氏下士二人史一人徒八人

占人下士二人府一人史二人徒八人

鄭鍔曰洪範所謂擇立卜筮人三人占則從二人之言謂此占人也易曰占事知來則占者所以預言其未來之應驗也

箒人中士二人府一人史二人徒四人

占夢中士二人史二人徒四人

眡祲中士二人史二人徒四人

鄭鐸曰或謂天文之學有暈珥背穴抱珥垂蜺以占休咎聖人作經乃設官以掌十輝之法以觀妖祥無乃災異之學歟以春秋考之夫子作經二百四十年間豈無祥瑞可書耶然書災異而不書祥瑞以爲政失于此則變現于彼猶影之象形響之應聲明君思咎則禍除而福生于天人之變現安得忽然而不爲意日者人君之表以大明照臨下土若爲陰陽之氣所侵則明夷矣明君忌之故設官以眡祲

大祝下大夫二人上士四人小祝中士八人下士十
有六人府二人史四人胥四人徒四十人

喪祝上士二人中士四人下士八人府二人史二人
胥四人徒四十人

甸祝下士二人府一人史一人徒四人

詛祝下士二人府一人史一人徒四人

司巫中士二人府一人史一人徒十人

男巫無數女巫無數其師中上四人府二人史四人
胥四人徒四十人

大史下大夫二人上士四人小史中士八人下士十

有六人府四人史八人胥四人徒四十人

馮相氏中士二人下士四人府二人史四人徒八人
保章氏中士二人下士四人府二人史四人徒八人
內史中大夫一人下大夫二人上士四人中士八人
下士十有六人府四人史八人胥四人徒四十人
外史上士四人中士八人下士十有六人胥二人徒
二十人

御史中士八人下士十有六人其史百有二十人府
四人胥四人徒四十人

巾車下大夫二人上士四人中士八人下士十有六

人府四人史八人工百人胥五人徒五十人

典路中士二人下士四人府二人史二人胥二人徒二十人

歐陽謙之曰巾車所掌是政令凡車之政令皆掌之不掌其物也典路乃是掌王及后之車用說之事

車僕中士二人下士四人府二人史四人胥二人徒二十人

司常中士二人下士四人府二人史四人胥四人徒四十人

都宗人上士二人中士四人府二人史四人胥四人
徒四十人

家宗人如都宗人之數

凡以神仕者無數以其藝爲之貴賤之等

大宗伯之職掌建邦之天神人鬼地示之禮以佐王
建保邦國以吉禮事邦國之鬼神示

鄭鍔曰治莫急於禮禮莫重於祭人君所以爲天
下歸往者以爲天地人神之主而已故欲建保邦
國莫大於能主其祭

以禋祀祀昊天上帝

林氏曰國語云精意以享謂之禋則禋以意精爲主程氏曰以形體謂之天以主宰謂之帝以功用謂之鬼以妙用謂之神

以實柴祀日月星辰以槱燎祀司中司命輶師雨師鄭鍔曰臣攷經文于柴言實則見其用牲體以實之也明矣至於槱燎則不見其實牲體之文然則槱燎者止於燎柴也與孔氏曰東方木曰歲星南方火曰熒惑中央土曰鎮星西方金曰太白北方水曰辰星新安王氏曰北斗與列宿附著天體與天左旋無所遷移惟日月五星違天右行日

遲月速五行散行不一故列宿爲經五星爲緯

朱氏曰辰日月所會天度之分也 孔氏曰周天三百六十五度四分度之一日行遲一日行一度一歲一周天月行速一日行天十二度十九分度之七計二十九日過半已行天一周每月之朔月行及日而與之會故謂之辰正月會亥其辰爲陬訾二月會戌其辰爲降婁三月會酉其辰爲大梁四月會申其辰爲寔沈五月會未爲鶉首六月會午爲鶉火七月會巳爲鶉尾八月會辰爲壽星九月會卯爲大火十月會寅爲析木十一月會丑爲